

Le rénâ è la sigouogne

On dzo pouo denâ, konpâre le rénâ, l'invite kemâre la sigouogne.

A medjé, pou dé tsouze apri rin.

E hla brikouole inkouo preparâye a la vouolô !

To sin kè l'a mètu su la tâble, l'ère onna sepe hlâre.

I s'è kontintâve dè pou kan l'ère du sio !

L'a vouedja hla sepe din on'âsiète.

La sigouogne u lon bèkieu, l'a pâ pouesu n'in n'apecyé onna gouote !

Le rénâ, lui, l'a z'u lapô le to in n'onna vouerbe.

A kâkiè tin dè li, pouo sè vindjé, la sigouogne le l'invete a denâ.

D'ako, di le konpâre, avoui li z'ami on fî pâ tan dè gôgne!

A l'eure dite, i veüle a la maïzon dé la sigouogne, remarseye pouo la dzinta atinsion dè sa vezene è treüve le denâ, kouï jسته min fô !

Bouon'apèti, setou kan l'è pâ du leu, li rénâ n'in mank'on pâ. Rinke a l'odeu dé la tsè, i sè lètcheve li pouo !

Trosâye in petchou morsé, la sigouogne le la mètue din on vaze a lon kouol.

Le bèkieu dé la sigouogne pouezive bîn pasâ, mi le meure du rénâ l'ère d'on n'âtre mezere !

Il a du s'in retornâ a maïzon, a dzon, è la kavoueu intre li tsanbe !

Hla dezanne l'ère pouo vouo z'âtre, amapan,

d'onna vouerbe a l'âtre, i fô vouo z'atindre a la mima fârse !

Sé dé Lavetan

Adaptation en patois de Leytron de la fable de Jean de La Fontaine :

“ Le Renard et la Cigogne ”